

**Broj** : 01- /15  
**Dana** : 04.11.2015. godine

**SKUPŠTINA KANTONA SARAJEVO**  
**Služba za skupštinske poslove Kantona Sarajevo**

**PREDMET:** Poslaničko pitanje Elvedin Okerić, odgovor, dostavlja se.-

Zastupnik Elvedin Okerić je na 7. Radnoj sjednici Skupštine Kantona Sarajevo, održanoj dana 07.10.2015. godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo postavio je zastupničko pitanje:

**Poslaničko pitanje:**

„Dana 26.09.2015. godine, 3. dan Kurban Bajrama glavnim Sarajevskim ulicama i tržnim centrom BBI pronesen je ogromni penis u sklopu nekog performansa. Bez stida i straha paradirali su glavnim ulicama Sarajeva. Javni prostor ne može narušavati kako ko hoće i kad hoće.

Sa stanovišta opšte kulture, poštovanja ljudi, obzira prema našim najmlađim bićima ovo je nedopustivo.

Komisija za sigurnost Skupštine Kantona Sarajevo je Zaključkom na zadnjoj sjednici tražila informaciju od MUP-a Kantona Sarajevo o pomenutom događaju.

Iz tehničkih razloga nisu mogli dostaviti informaciju pismeno do današnje sjednice Skupštine. U usmenom razgovoru dobili smo informaciju da skup nije prijavljen što je protivno Zakonu o javnom okupljanju.

Pitanje Ministarstvu unutrašnjih poslova da li su poduzeli aktivnosti iz svoje nadležnosti vezano za ne prijavljivanje pomenutog javnog okupljanja u pokretu koje se odvijalo glavnim ulicama Sarajeva.“

**Odgovor Uprave policije ovog Ministarstva na poslaničko pitanje:**

u vezi preduzetih aktivnosti od strane policijskih službenika Prve policijske uprave, Uprave policije ovog Ministarstva, zbog ne prijavljivanja Javnog skupa u pokretu pod nazivom "Održivo u neodrživom", koji je održan dana 26.09.2015. godine na glavnim ulicama grada Sarajeva i u tržnom centru BBI.

Izvršenim uvidom u raspoložive evidencije Prve policijske uprave, Uprave policije, Ministarstva unutrašnjih poslova Kantona Sarajevo, utvrđeno je da Javni skup u pokretu pod nazivom "Održivo u neodrživom", koji je održan dana 26.09.2015.godine na glavnim ulicama grada Sarajeva i u tržnom centru BBI, nije prijavljen navedenoj policijskoj upravi od strane organizatora, što je bila obaveza u skladu sa odredbama Zakona o javnom okupljanju Kantona Sarajevo, a nije bilo prijava ni od strane građana.

Preduzimajući operativne mjere na terenu, policijski službenici su došli do saznanja da je u dane 25.,26. i 27.09.2015.godine u prostorijama kina "Bosna" u ulici Alipašina broj 19, općina Centar, koje koristi umjetnički kolektiv "Kreativa", održan kulturno-umjetnički program pod nazivom "Održivo u neodrživom", a u sklopu kojeg je slovenački državljanin Marko Brecaj sa još nekoliko lica, dana 26.09.2015. godine u poslijepodnevnom satima ulicama grada Sarajeva (Ferhadija i Maršala Tita) izveo predmetni performans, što je izazvalo negodovanje građana i javnosti.

Daljim radom policijski službenici su došli do informacija da pripadnici umjetničkog kolektiva "Kreativa" sebe nazivaju neformalnom skupinom pojedinaca, umjetnika i aktivista, čiji je osnivač i voditelj, odnosno direktor Nardina Zubanović iz Sarajeva. S obzirom da policijski službenici ne raspolažu podacima da li je umjetnički kolektiv "Kreativa" registrovan kao pravno lice, upućen je pismeni zahtjev nadležnim institucijama s ciljem provjera statusa navedenog kolektiva, te ukoliko se utvrdi da je umjetnički kolektiv "Kreativa" registrovan kao pravno lice, policijski službenici će protiv pravnog lica i odgovornog lica u pravnom licu, nadležnom sudu podnijeti Zahtjev za pokretanje prekršajnog postupka, zbog počinjenog prekršaja iz oblasti Zakona o javnom okupljanju Kantona Sarajevo ( Ne prijavljivanje drugih oblika okupljanja nadležnoj policijskoj upravi kada je prijavljivanje obavezno). Ukoliko se provjerama utvrdi da umjetnički kolektiv "Kreativa" nije registrovan kao pravno lice, policijski službenici će za isti prekršaj nadležnom sudu dostaviti Zahtjev za pokretanje prekršajnog postupka, protiv Nardine Zubanović, kao fizičkog lica.

Takođe ukoliko policijski službenici Prve policijske uprave, Uprave policije ovog Ministarstva u narednom periodu dođu do državljanina Republike Slovenije, Marka Brecaja, isti će zbog počinjenog prekršaja iz oblasti Zakona o prekršajima protiv javnog reda i mira Kantona Sarajevo, (naročito drsko ponašanje) uz Zahtjev za pokretanje prekršajnog postupka biti predat nadležnom sudu na dalji postupak. Međutim, u slučaju da državljanin Republike Slovenije, Marko Brecaj, bude nedostupan policijskim službenicima, ovo Ministarstvo će cjelovitu informaciju o predmetnom događaju, putem nadležnih institucija dostaviti Pravosudnom sistemu Republike Slovenije na upoznavanje i eventualno preduzimanje mjera i radnji iz svoje nadležnosti.

S poštovanjem,

**MINISTAR**

**Predrag Kurteš**